

雁側風前字煙凝雨後情不知誰氏子持釣立江城

二

人遠看來短山遙淡欲無水邊漁舍密天際客帆孤

三

亂山草斜出危岡竹倒懸人家春樹裏山色夕陽邊

四

霜月沈青嶂汀鷗卧白沙曉風刪竹葉秋霧補山了

許旌陽故宅

詩多唐代刻柏尙晉時青想得真君劒猶餘蛟血腥

寶慈寺

道藏輯要

自真人集二

十一

婁集二

殿古涵煙冷樓空得月多鐘聲巡遠岫塔影臥清波

玉豔亭卽事五首

正月梅花盡一溪春雨香燕方尋故壘蜂已葺華房

二

夙酒縈懷處芳亭挂頰間一鶯黃翠柳雙鷺白青山

三

黃鳥新聲變青山霽色妍預爲寒食地晴放海棠天

四

犬見行人吠牛尋熟路回煙花迷碧嶂花片點蒼苔

五